

تورکیا

بویوک ملت مجلسی

ضبط جریده سی

اوچنجی اجتماع

۶ - مارت - ۳۳۸ - بازار ابرامی

مندرجات

— ضبط سابق قرائتی

— انتخاباتی اکمال ایتمین انجمن وشعبه لر حقنده تبلیغات .

اوراق وارده :

— بخارا حکومتی آنقره قاصد لرندن مورود تهریکنامه .

— موسیو پیهرلوتیدن مورود جواب

— نواحی قانونک قبل التصدیق برقاچ مجلده تطبیق حقنده کی تکلیفک مذاکره سی .

— نواحی قانونک یوم مذاکره سنک تعیینه دائر مذاکرات .

برنجی جلسه

برائذاکرات

دقیقه ۳۰

ساعت ۹

[رئیس : رئیس ثانی رؤف بک افندی]

کاتبلر : ضیا خورشید بک (لازستان) حق بک (وان)

عبدالغفور افندی (قره سی) — شرعیه ویرادی .
رئیس — اوت افندم ! اونی ذکر ایتمدم . بو
خصوصده تعجیل بویورسونلر ، رئیس و کاتبلری برآن
اول انتخاب ایسونلر .
اوراق وارده :

افندم ! اوراق وارده میاننده عسکری جزا قانوننا .
مه سنک یکریمی دردنجی ماده سنه ذیل اوله رق هیئت
وکیلهدن مورود لایحه قانونیه وار . عدلیه ومدافعه ملیه
انجمنلرینه ویریورز .

طریق بدلات تقدیه سنک طرق ومعا بر انشا آتته
حصری حقنده هیئت وکیلهدن مورود لایحه قانونیه وار .
نافعه وموازنه مالیه انجمنلرینه ویریورز .

رئیس — افندم ! جلسه کشاد ایدلدی . ضبط
سابق خلاصه سی او قونوجق (او قونودی)
افندم ! ضبط سابق حقنده سوز ایستین وارمی !
(خایر صدالری) ضبط سابق خلاصه سی قبول ایدنلر
لطفاً آل قالدیرسون ! قبول ایدلدی .

انتخاباتی اکمال ایتمین انجمنی وشعبه لر حقنده تبلیغات

افندم ! مجلس عالی نیک فعالیتی ایچون انتخابی ایجاب
ایدن انجمنلر انتخابی اکمال ایدلمشدر . آنجق بو انجمنلردن
لایحه نظامنامه داخلی ، پوسته و تلغراف ، صحیه وارشاد
انجمنلری رئیس و کاتب انتخابلری هنوز مقام ریاسته تودیع
ایدلمه مشدر . بونی رفقادرن رجا ایدرم . برآن اول انتخاب
ایسونلر .

بخارا

خلق شورالر جمهورية نك توركيا

فوق العاده سياسى

قاصدلىكى

۱۳۲۳۸

رقم : ۴۸

توركيا بويوك ملت مجلسى هيئت جليله سنه

بك سو كيلي ومحترم مبعوث بك اقتديلىر :

بويوك تورك قارداشلىرمزك اوچىنچى سنه مليه سنه تصادف ايدن شرفلى ومبجل دقيقه لرى مرخصى بولنديغىمىز بخارا خلق شورالر جمهوريتى وخلقى طرفندن صميميتله تبريك ايلرز .

بومسعود كون ياللكىز بوراده كى توركلره مخصوص اوليوب بلكه بوتون توركلك واسلاميت عالملك وعلى الخصوص بوتون شرق مظلوملىرىنىك بايرام كوني اولوب بخاراليلركده تهنيس ايدى جكلىرى بر كوندىر .

بوتون يوقلقلىرىچىندى سزاده عزىم وثباتله مجادله يه كيريشىرك بوكونكى قوتى ، بوكونكى قدرتى وجوده كتيرون بر ملت وارلغىنى يوكسلىتمك اقتدارينه مالك اولدىنى كى قارشى بولوندىكى نامرد دشمنىده آز زمان ظرفنده مههور ايدى جكلىردىر . تصورك فوقنده كى عزىم و ايمانله كندى محاللىرى غايه و مقصد اتخا ايدن استىلاجى غرىبك بوتون اميدلىرى قيرمغه موفق اولدىلر ديمكىدر . زيرا استقلال وحق حيات ايله اوغراشان امكجى خلقدن متشكىل وخلق آمالنىك فداكارى اولان داهى قوماندانلرله اداره ايدىلن قهرمان بر اردو مغلوب اوله ماز . بوتون يكي شرقى وبالخاصه بخاراليلرى ممنون ومسروور ايدن اين اوكى وسقاريا حادثه ظفريه لرى بو حكم وحقىقئى قطعى وپارلاق بر صورتده اثبات ايتدى . بخارا حكومت جمهوريه سى و اونك زحمتكش ورنجبر خلقى وعسكرلىرى طرفندن كوچوك توران اردوسنىك قهرمان افرادلريله ضابطان و قوماندانلرینه وبالخاصه ايمانلى قهرمان اردوسنىك باش قوماندانى غازى مصطفى كمال پاشا ورفقائى مساعيسى پاشالر حضراتنه بو شرفلى وملى سنه دوريه خصوصنده كى تبريكاتمىزك تبليغى رجايدىرز .

بودجه آچىغى قياتمق اوزره كوتاهيه مبعوثى جميل بلك تكليف قانونيسى وار . لايحه انجمنه كوندرييورز .

انجمن اعضالرىنىك يكرمى بىر كشىدن عبارت اولمىسنه دائر توقاد مبعوثى رفعت بلك تكليف قانونيسى وار . اونى ده لايحه انجمنه كوندرييورز .

فراريلر حقتده ملاطيه مبعوثى صدقى بلك تكليف قانونيسى وار . كذا اونى ده لايحه انجمنه ويرىيورز .

رخصت رسميه ايله ماذوناً كيدوب عودنده اشقيا طرفندن قتل ايدىلنلره شهيد نظريله باقىلمسى حقتده كى قانونك تفسيرى لزومنه دائر اجرا وكيللىرى رياستى تذكرومى وار . اونى ده عدليه ومدافعه مليه انجمنلرینه كوندرييورز .

حسين عونى بك (ارضروم) — قوانين ماليه به عابددر . رئيس — اويله مى اقدم !

حسين عونى بك (ارضروم) — اوت اقدم . رئيس — او حالده ؛ عدليه ، مدافعه مليه وقوانين ماليه انجمنلرینه ويرىيورز .

بويوك ملت مجلسى تقديرنامه سى حقتده كى قانونك تفسيرينه دائر مدافعه مليه وكالتنىك تذكرومى وار . عدليه انجمنه كوندرييورز .

خيانت وطنيه دن اعدامه محكوم يوركى حقتده عدليه وكالتندن مورود اوراق حكيمه وار . كذا عدليه انجمنه ويرىيورز .

منع مسكرات قانونه متعلق حكملرك بو باده بر چاره تأمل ايدملك اوزره كوندردىكهنه دائر عدليه وكالتنىك تذكرومى وار . عدليه انجمنه ويرىيورز .

معارف وكالتنده كى تشكيلات وتعديلاتنه عائد اجرا وكيللىرى رياستنىك تذكرومى معارف انجمنه ويرىيورز .

بخارا! قاصدلىرىنىك تبريكنامه سى :

اقدم! بونلردن ماعدا بخارا قاصدلىرىنىك مجلس عاليكزه خطاباً يازلمش بر مکتوبى واردىر . مناسب كوررسه كز هيئت عليه كزه عرض ايديله جكلىر .

یوزلرجه سنه لردنبری ایمپریالیست و قاییتالیستلری مدینت ماسکھی آئنده تورکیا طور اقلرینی اوز منفعت خسیسه لری ایچون مستملکه شکلنه کتیرمک فکیرینی بسلر و تعقیب ایدرلردی. بونلرک ایکی عصر لوق تاریخ سیاستلرینی قاریشدیزه. جوق اولورسوق حقیقت میدانه چیقار . مقصدلرینک بعضلرینه نائل اولمامشلسده تعقیب ایتدکلری پلانک بر جوق قسمنی تطبیق ایتشلردر. حرب عمومی نتیجه سنده خسته آدم دبه تلقی ایتدکلری تورکیایی آرتق صوک دقیقه لر کچیرمکده اولدینی ظننده ایدیلر . کندی اللریله امضا ایدیلن متارکه موادینه باقاندن عسکرلریله تورکیا پایتختنی اشغال ایتدکلری کچی اللرنده بازیچه اولان یونان اردولرینی آناطولی به صالیدیلر . مدنی دینان اوورولپ ایمپریالیستلری بو بیرنجی باربار ملنه معاونتدن کیری قالمادیلر . فقط؛ بالاخره بوتون امکلری بوشه کیتدیکنی کورونجه فکیرلرنده یا کلدقلرینی کوردیلر وینه ماصه باشنه رجوع ایتمهک مجبور اولدیلر :

تورکیا دوستنی دوست ، دشمننی دشمن عد ایدن بخارا حکومتی و بوتون امکچی و عمله و بوتون اسلام تورک خلقی نامنه تورکیانک بو اوچنجی و شرفلی سنه ملیه سی داخلنده میثاق ملی ایچنده کی استقلالنه نائل و حدودینه مالک اوله جغنی بوندن صکره بر دوره فلاح و سعادتک انکشاف ایده جکنی جناب حقندن نیاز ایلرزه ، محترم مبعوث بک افندیلر !

بخارا تورکیا فوق العاده سیاسی قاصدلی
محمد نظری محمد رجب
(شدتلی آلقیشلر)

رئیس - اقدم ! مناسب کورورسه کزدیوان ریاستجه ایجاب ایدن جواب یازلسون (های ، های سسلری)

موسیو پیه رلوتینی یازیلده مکتوبه مورور جواب :
رئیس - اقدم ! وطن و مانمزک معروض قالدینی فلاکت کونلرنده بزلی مدافعاتیله قلبلر مزده پک محترم بر موقع طوتمش اولان موسیو پیه رلوتینی به مجلس عالیکنز تامنه یازلمش اولان مکتوبه جواب وارد اولمشدر . مناسب کورورسه کز هیئت علیه کزه عرض ایدهیم . (های ، های سسلری)

موسیو پیه رلوتینک کاتبی موسیو غ . جامیژه امضاسیله و ۱۲ کانون نانی ۹۲۲ تاریخیه بو یوک ملت مجلسی رئیس پاشا حضر تلرینه وارد اولان مکتوبک ترجمه سیدر .
مشیر پاشا حضر تلری !

موسیو پیه رلوتی خط دستکزنله محرر قیمتدار مکتوبی و پدرلری دعوالرکاک مقدس اوغرنده شهید دوشن حرب یتیمه لرینک کوز یاشلری آراسنده ایشلمش اولوق اعتباریله هدیه لرک قلبه اک مؤثرینی تشکیل ایدن خلی بی نام عالیکنزه اوله رقی برای تودیع کلن انقره ملی حکومتک هیئت مرخصه سنی قبول ایتک فخر عظیمنه نائل اولدی .

کوزلرینه یاش کتیره جک راده لرنده کندیسینی متحس ایدن بو کچی واک یوکساک اثر توجه مواجه سنده سزه نصل تشکر ایتلی ؛ هیچ اولمازسه بوتشکرلر کندی لندن چیقمش اولمیدی . ایواکه آرتق بو قدر برسونجدن بیله محر و مدر . بودقیقه ده پک خسته در . معزز و وطنکنز لهنده کیرشمکه مجبور قالدینی جدال ایله بیرامش ، یونان پیروانیله کویاخرستیان بوتون اوروپانک تحقیرلری ، استهنزلری و آلقلقلری یوزندن اولکون برحاله گلش اولدیغندن آرتق یت - ابدر . و کندیسینی معذور کورمکزی رجا ایدیور .

فقط ، تورک ملتک غیر منقطع و ناقابل زوال صورتده کوستریمک لطفنده بولندینی دوستلق ، اضطراباتنه برآز سکونت بخش اولمشدر .

اک منتدارانه تشکراتی قبول ایتکیزی و تورکیا بو یوک ملت مجلسی اعضالرینه قبول ایتدیره - اک لطف توسطنده بولتمکزی قلبنک اک عمقندن نیاز ایدر ، پاشا حضر تلری !

ذات سامیلرینک اک صادق واک مطیع خادمی اولمغله کسب شرف ایدرم . (شدتلی آلقیشلر)

تبریک و تمنیائی محتوی تلغرافند
رئیس - مجلس عمومینک کشادی مناسبیتله تمی موققیاتی حازی کیره سون متصرفلغنک تلغرافی وارد . (جواب یازلسون صدالری) آردهانک سنه دوریه استخلاصی مناسبیتله متصرف وبلدیله ریاستنک تلغرافلری وارد . اوقویه لم . (دیوان ریاستجه ایجاب یازلسون)

سسلری) يك اعلا افندم ! ليله رغائب منباسبتيه شرق اردوسی قوماندائی کاظم قره بکر پاشا حاضر تلو نندن مورود تاغراف وار. مناسب کورورسه کز او قویه لم .

حسین عونی بك (ارضروم) — رئیس بك ! بورایه ایش کورمك ایچون كلدك. هیئت عمومی بی بونكه اشغال ایتیم لم . شخصاً دیکلیه بیلیرز . (او قونسون صدالری)

رئیس — افندم ! عیناً او قومسی تمنی اولنیور. قبول ایدنلر ال قالدیرسون !

وهی بك (معارف وکیلی) — افندم ادیوان ریاستجه ایجاب ایدن جواب یازیلیر. وغزته لره عیناً ویرلمش اولورسه ظن ایدرم، مقصد تأمین ایدلمش اولور .

لايحه انجمنی شایان مذاکره کوریلانه تکلیفله مقننه انجمنی مضبطلری :

رئیس — بکی افندم ! انجمنلرده تدقیق ایدیلوب هیئت علیه کززه عرض ایدلمك اوزره کوندریلن مضبطلر واردر . بونلردن بریسی رشادیه ناحیه سنك قضایه قابی حقتده کی تکلیفك شایان مذاکره اولدیغنه دائر لایحه انجمنی مضبطه سیدر . داخلیه وموازنه مالیه انجمنلرینه حواله ایدیوروز .

قارس ، آردهان وخویه یوللرینك طرق عمومیه میانته ادخال حقتده کی تکلیفك شایان مذاکره اولدیغنه دائر لایحه انجمنی مضبطه سی وار. نافعه وموازنه مالیه انجمنلرینه کوندریوروز .

نظامنامه داهلینك تعدیلی مقننه کی تکلیفله دائر لایحه انجمنی مضبطه سی :

نظامنامه داخاینك تعدیلی حقتده کی تکلیفك شایان مذاکره اولدیغنه دائر لایحه انجمنی مضبطه سی قانون اساسی انجمننه حواله ایدیوروز (نظامنامه داخلی انجمننه سسلری)

جمیل بك (کوتاهیه) — رئیس بك ! کیمکدر او تکلیف ؟

رئیس — ذات عالیکزك افندم . او حلاله قانون اساسی ایله نظامنامه داخلی انجمننه ویریوروز .

جمیل بك (کوتاهیه) — رئیس بك ! نظامنامه داخلی انجمننده سکز آیلق بر تکلیفم واردر. هنوز چیقما دی . لطفاً بر آن اول چیقارلسون. مذکور انجمنك اسمی وارده

جسمی یوق . (بوسنه یکی انتخاب اولندی سسلری) . افندیلر ! معلوم عالیکزدرکه : المزده بولنان نظامنامه داخلی یالکیز تشریح صلاحیتنی حائر اولان استانبول مجلس مبعوثاننه عائد بر نظامنامه در . حالبوکه : افندیلر !

مجلس عالیکز جا کیمت حقیقی ده حائر در . تشریح مین زیاده جا کیمت حقیقی ده حائر در . نیچون جا کیمت ملیه دیوروز ، افندم ؟ بونك ایچون بنده کزجه شعبه لرك هر سنه دیکشمه

سی زمان غائب ایتمکدن باشقه هیچ بر شیئه خادم اولدیغنی ایچون بنده کز بویله بر تکلیف یادم . صکره بنده کزک بو تکلیفمده نظر دفته آله حق بر مسئله دهاواردرکه : اوده کزک شعبه لرده کزک انجمنلرده اکثریتك دائماً

عدد مرتبه آرانیلماسی مسئله سیدر . حالبوکه : ۳۵۰ اعضایی محتوی اولان بو بویوک مجلسك اعضاسنك دائماً اوچده بری موجوددر ، بر قسمی ده هیئت وکیلده در . بر قسمی ده جهه لرده قومانداندر . بر قسمی ده سفارتلرده

و آوروپایه کیتمشدر . الحاصل شورایه ، بورایه کیتمشدر . بونك ایچون شعبه لرده هر وقت اکثریت بولنه یور . قیمتلی ایشلر مز دائماً تأخرده اوغرایور . ایشته بنده کزده بو تکلیفمده کزک مأذونلرک کزک موظف اولان اعضا

سنك موجود عد ایدلیه رک دائماً موجود اعضا اوزرندن آرانیلماسی تکلیف ایدیورم . بناء علیه ؛ افادات معروضه مدنده مستبان اوله جنی وجهله تکلیفمده بك بیانه آیله حق بر تکلیف دکادر . اکر کچن سنه کی کچی بو تکلیفم نظامنامه داخلی انجمننده گوشه نسیانده قاله جقسه

مذاکره ایتمکه هیچ لزوم یوقدر . کیده جکسه مستعجلیتله کیتسون .

رئیس — افندم نظامنامه داخلی انجمنك رئیسی ایله کاتبی انتخاب ایدله مشدر . اولجه ده عرض ایتدم . و بر آن اول انتخاب ایدلمسنی رجا ایتدم .

لايحه انجمنی مضبطلری : آتیه قضاسنه مربوط ایکی ناحیه اعشار بورجنك

تأجیلی حقیقه کی تکلیفک شایان مذاکره اولدیغنه دائر لایحه انجمنی مضبطه سی وار . موازنه مالیه انجمنه حسین عونی بک (ارضروم) — قوانین مالیه انجمنه ده . رئیس — بک اعلا قوانین مالیه انجمنه و بریورز . مجبوری ازدواج و تعدد زوجات حقیقه کی تکلیفک شایان مذاکره اولدیغنه دائر لایحه انجمنی مضبطه سی وار ، صحیه و شرعیه انجمنلرینه .

۲۵ شباط ۳۳۸

کاتب	مضبطه محرری	لایحه انجمنی رئیس
ارطغرل	یوزغاد	لازستان
نجیب	سلیمان سری	اسعد
اعضا	اعضا	اعضا
روشن	ارغنی	اسپارطه
	امین	حاجی طاهر
	اعضا	اعضا

راغب بک (کوتاهیه) — افندم ! نواحی قانونک فوآند و محسنا شدن بحث ایده جک دکاز . چونکه : بو قانونک ۴۲ ماده سی مجلس عالی کزجه قبول ایدلمشدی . آنجق بو قانونک تجربه شرايط اجتماعیه و احوال جغرافیه فیه سی یکدیگری نه متباین و یا خود یکدیگری نردن فرقلی ایکی لواده شمیدن تطبیقی آرزو ایدیشمک سببندن بحث ایده جکم : اولاً معلوم عالی لریدرکه : تورکیا بویوک ملت مجلس سنک تشکانه قدر کرک استانبول مجلس لرنده و کرکسه استانبول غزته لرنده کویلودن و خلقدن یعنی کویلو خلقنک حقدن مکرراً بحث اولونمشدی . فقط بونلر یالیزیلی حب موقمنده قالمشدر . هیچ بر آن ایچون اولسون فعلاً کویلو به برحق ویرلمه مش ، نه وقت کویلودن بحث اولدیسه زوالینک قفاسنه برده یومروق وورلمش و دأماً کویلونک ضررینه حرکت ایدلمشدر . هیچ بر زمان کویلونک منفعتنه رایش یالمامشدر . و فعلاً هیچ بر وقت بر تشبته بولونیلمامشدر . آنجق بویوک مات مجلسی تشکل ایدر ، ایتمز تشکیلات اساسیه قانونیه خلقک ، کویلونک حقنی خلقه و کویلو به ویرمک خصوصی اساسلی بر قانونه تثبیت ایتمش و ایلمک خطوه یی فعلاً آتمش بولنوردی . تشکیلات اساسیه قانوننه متفرع اولان بر طاقم قانون لایحه لری دخی مجلس عالی به گلش . انجمنلرده در دست مذاکره در .

تأجیلی حقیقه کی تکلیفک شایان مذاکره اولدیغنه دائر لایحه انجمنی مضبطه سی وار . موازنه مالیه انجمنه حسین عونی بک (ارضروم) — قوانین مالیه انجمنه ده . رئیس — بک اعلا قوانین مالیه انجمنه و بریورز . مجبوری ازدواج و تعدد زوجات حقیقه کی تکلیفک شایان مذاکره اولدیغنه دائر لایحه انجمنی مضبطه سی وار ، صحیه و شرعیه انجمنلرینه .

حسین عونی بک (ارضروم) — هیئت جلیله جه نظر دفته آلترسه انجمنه ویرلمسی لازم کایر . رئیس — خایر افندم .

نواحی قانونک قبل التصریح بعضه مخلدده تطبیقی حقیقه کی تکلیفک مذاکره وری

نواحی قانونک شمیدن تطبیقی حقیقه کی تکلیفک ردینه دائر لایحه انجمنی مضبطه سی وار . هیئت علیه کزه عرض ایدیله جکدر .

ریاست جلیله یه

اسباب موجهی سفهاً عرض ایده جکم . نواحی قانونک شمیدن برای تجربه ایکی لواده تطبیقه عأد اولان مواد آیه نک قبولی تکلیف ایلم .

۲۳ شباط ۳۳۸ کوتاهیه

راغب

ماده ۱ — مجلسجه در دست مذاکره بولنان نواحی قانونی مجلسدن صورت قطعی ده قبول ایدیلنجیه قدر برای تجربه احوال جغرافیا و اقتصادی و شرايط اجتماعیه سی یکدیگری نسبتاً فرقلی اولان ایکی لواده شمیدن موقع تطبیقه وضعی ایچون حکومته مآذونیت ویرلمشدر .

ماده ۲ — اشبو قانون تاریخ نشرندن معتبردر .

ماده ۳ — اشبو قانونک اجرای احکامنه هیئت وکیله مأموردر .

مجلسجه در دست مذاکره بولنان نواحی قانونک قبوله اقترا نه دکن شمیدن ایکی لواده تجربه تطبیقی لزومه دائر کوتاهیه مبعوثی راغب بکک لایحه قانونیه سی انجمنمزه تدریق و مطالعه اولوندی . نواحی قانونک ولو تجربه اولسون ، شمیدن موقع تطبیقه وضعی حالنده

و بویکی لوادهده تطیقفی تکلیف ایتدیکم نواحی قانونی ده
 اولجه استانبول مجلسنده حاضر لائمش، انجمنده در دست
 مذاکره ایکن هیئت عمومییه سوق ایلمه دن استانبول
 مجلسی طاعیلمش و بورا حکومتی داخلیه و کالتی بولایحه نك
 مسوده سنی استانبول مجلسندن جلب ایدرک داخلیه و کالتنده
 اوزون اوزادییه تدقیق ایتمش، صوکره داخلیه انجمنه
 ویرمش، داخلیه انجمنی ده اینجه دن اینجهیه تدقیق ایدرک
 اولدجه مکمل برحاله افراغ ایتشدی. ظن ایدرم، مجلس
 عالیده، بونک اثنای مذاکره سنده، اساسلی و روحلی
 بر تعدیلات اجراسنه امکان بر اقلیمیه جق درجه ده
 اوزرنده تدقیقات مهمه یالیشدر. معلوم عالیبردرکه :
 بویوک ملت مجلسی ده بدایت کشادنن بری دائماً کویلودن
 و کویلونک حقندن بحث ایدیورک. واقعا تشکیلات اساسیه
 قانونی موجبجه، بو حوقک کندیسنه ویرلسنی قانون وعد
 ایتشدر. بویوک ملت مجلسی بو صورته فعلی بر خطوه
 آتشدی. وچکن کون سنه جدیده مناسبتیه رئیس پاشا
 حضرتلرینک بوراده ایراد بویوردقلری نطقک انبارلاق
 فقره سی کویلونک حقندن و کویلونک افندیلکنندن بحث
 ایدن فقره اولمشدر. (اوده سوزده صدالری)

حسین عونلی بک (ارضروم) — دیکله یین کیم ؟
 راغب بک (کوتاهیه) دوامله — فقط افندیلر! هر حالده
 کویلویه وعد ایتدی ککیز شیلری فعلاً ویره جککیزی اثبات
 ایتمش اولوق و دیگر طرفدن بوقانونک مذاکره سی جریان
 ایدرکن ایکی لواده تطیقفی مناسبتیه او تطبیقندن متولد
 حادثاتک بزه ویره جکی فکر لرله قانونی دهها اساسلی بر
 صورتهده چیقاره بیلمک و بوتون خلقی ده (آرتق بویوک
 ملت مجلسی وعد ایتدیکی شیلری ویرمک ایچون ایلمک
 خطوه سنی آتشددر) دیه تطمین ایلمک ایچون،
 شمدیدن ایکی ویا اوچ لواده تطیقفی بنده کز استرحام
 ایدرم. بو مناسبتله حکومتی دهها امین بر صورتهده و ده
 قوتلی یوروتیه بیلمک ایچون تکلیفی، تکلیف قانونی
 شکلنده ویرمشدم. لایحه انجمنی اساس اعتباریله (نواحی
 قانوننک (۲ ویا ۳ لواده) تطبیقنه طرفدار اولقله برابر
 قانون، لایحه قانونیه شکلنده، یاخود قانون ماهیتنده

حکومه مأذونیت اعطاسی صورتنده دکل، برقرار ایله
 بونک تطیقفی ایچون حکومته مأذونیت ویرلسنی) بولنده
 بیان مطالعه ایتشدر که ؛ بنده کزده بو مطالعهیه تماماً
 طرفدار اولا بیلیم. یعنی تکلیف قانونی کیری آلا-
 بیلیم. یالکیز مجلس عالیکزدن شوو تکلیفمه بر قرار
 لطف بویوریلورده حکومته بر ویا ایکی ویاخود اوچ لواده
 تطبیقنه مأذونیت ویررسه کز مقصد اساساً حاصل اولمش
 اوله جقدر. بلکه دهاسریع حاصل اوله جقدر. بنده کز
 هر حالده بوقانونک هیچ اولمازسه ایکی اوچ لواده اولسون
 شمدیدن تطبیقنه باشلانیمسی لزومه قائم.

سلیمان سری بک (یوزغاد) — رئیس بک! لایحه
 انجمنی مضبئه محرری صفتیه مساعده بویورورسه کز
 سوز سویله یهیم. بولایحه نك مضبئه محرری نیم.

حمدی نامق بک (ایزمیت) — افندیلر! اداره
 نواحی قانونی معلوم عالیلری اولدیغی وجهه مملکتده
 خلق ادازه سی تأسیسی غایه سیله تنظیم ایدمش اولان
 تشکیلات اساسیه قانوننک طوعوردیغی برقانوندر. آلردن
 بری مذاکره سنه دوام ایدیلن بو بدبخت قانونک هر نصلسه
 یالکیز قرق ایکنجی ماده سنه قدر مذاکره ایدیله بیلمشدی.
 کزک داخلیه و کالتنک و کزک مالیه وسائر و کالتلرک تنظیم
 ایتمکه اولدقلری بر جوق پروژدر بوقانونک انتساج
 ایدیله مه مسندن در لای عقیم قالمشدر. بناء علیه؛ هر حالده
 بوقانونک بر آن اول موقع تطبیقنه وضعنه طرفدار اولمیان
 هیچ بر آرقداشمز یوقدر. یالکیز راغب بک آرقداشمز
 تجربه و نمونه اولوق اوزره بونک شمدیلک بر ویا ایکی
 لواده تطیقفی طلب ایدیورلر. حالبوکه افندیلر! اوچ
 آی قدر داخلیه انجمنده اوزون اوزادییه مذاکره
 ایدیلن بوقانونک بویه بر لواده، اوچ لواده دکل، مملکتک
 هر طرفنده عین زمانده تطبیق ایدیه بیلمسی ایچون مهم امکان
 نواقصدن عاری اوله رق مملکتک عاداتنه، روحنه موافق
 بر صورتهده تنظیم ایدلشدر. حتی هیئت وکیله بونی بویه
 بدایه بر قاچ لواده تطیقفی ایسته مشدی. داخلیه انجمنسکز
 بونی موافق بولدی و قانونه مملکتک هضم ایدیه بیله جکی
 بر شکل ویردیکی ایچون بونک هر یرده دفعه تطبیق ایدلمسی

لازمدر . يالكز بر نقطه واردر . اكر هيت جليله كر
 تصويب ايدرسه . . بنده كز ديورم كه : ۴۲ مادهسى
 مذاكره ايدلمش اولان بو قانونك واردات قسمنى دخى
 عاجلاً - معلوم عاليكز شورالرعادى ، فوق العاده بودجهر
 يابه جقدر - مذاكره ايدرسه ك ديكر قسمتك بالاخره
 مذاكره ايدلمسى شرطيله ، داخله وكالته شمديدن بونك
 تطبيقه مساعده ويرم . بنده كز انجمن نامه بونى تمى
 ايدبيورم وطن ايدبيورم ، داخله وكيلى بك افدى ده بونى
 بويولده قبول ايدرلر .

سليمان سرى بك (يوزغاد) - افندم ! راغب بك
 نواحى قانونك شمديدن تجربه ايكى لواده تطبيقى تكليف
 ايتديلر . لايحه انجمنى « بونك بويوله تطبيقه بتون موجوديتيله
 طرفدار اولمقله برابر بويوله بر ماده قانونيه تدوينه لزوم
 بوقدر ، مجلس على آرزو بويوررسه بر دكل بش ناحيه ده
 تطبيق ايدر » مطالعه سنى يوروتدى . حقيقه لايحه
 قانونيه ، راغب بك افدينك بويور دقلى كى بر ويا
 ايكى لواده دكل ، بنده كزه قاليرسه هر لوانك بر ناحيه سنده
 تجربه تطبيق ايدمليدر . يالكز خاطر مه شوكلور كه :
 معلوم عاليكز بوقانونى تطبيق ايتك ايچون محلى بر طاقم
 صلاحيتلر ويريله جقدر . بو خدمتك ايفاسى ايسه بر چوق
 مصرفه تعلق ايدر . حالبو كه اداره خصوصيه عائد اولان
 واردات هنوز تعين ايتمه مشدر . بناء عليه ؛ بوقانونك بويوله
 برايكى لواده تطبيقيله برابر ، اداره عموميه نواحى قانونك
 مذاكره سنى ختامه تعلق ايدبلان اداره خصوصيه
 قانونك ده همان مستعجلاً مذاكره لازمكلىر . بناء عليه ؛
 « قانون شمديك برايكى لواده تطبيق ايدلسون » ديمك
 كافى دكلدر . برايكى لواده نه ايش كوره جقدر . وارداتى
 يوق كه خدمتى تعين ايتسون . مصرفى قبول ايتديرسون .
 واردات خصوصيه قانونى مستعجلاً دخى نواحى قانونه
 ترجيحاً مجلس عاليسدن چيققدن صكره بونك تطبيقى
 دها زياده تايمين موفقيت ايدر قعائنده يز .

موسى كاظم افدى (قونيه) - بنده كز تكليفك
 اصلى واصول حقنده بيان مطالعه ايدم جكم . تكليفده نواحى
 قانونك تجربه بر ويا ايكى لواده تطبيقى تكليف ايدبيور .

لايحه انجمنى ده بونك بر ماده قانونيه شكنده دكل ، بلده
 بر قرارنامه ايله قبولى خصوصندن بحث ايدبيور . بنده كزه
 كوره تطبيق ايديله جك قانون موجود دكلدر كه :
 بر ويا ايكى لواده تطبيق ايدم . صوكره قرارنامه
 شكنده ده اوله ماز . حكومه ده بو حق بخش ايدلمه مشدر .
 وذاتاً مجلس مستمر اولدينى ايچون حكومت تطبيقه صلاحيتدار
 دكل . مجلسندن هوز بو قانون چيقمه مشدر ؛ ماهيت
 قانونيه يى اكتساب ايتمه مشدر . اساس اعتباريله تكليفك
 نواحى قانونك بر ويا ايكى لواده تطبيقى طلبى قانونى اولمدينى
 ايچون ؛ اساساً قانون يوق ، قانون اولمايجه بر تكليف ده
 اولاماز . اساساً نواحى قانونى روزنامه يه داخلدر ، در دست
 مذاكره در . بناء عليه ؛ حقوقاً موجود اولميان بر شينك
 تطبيقى طلب ايتك دوغرى بر شى دكلدر . عدم تطبيقدن ،
 متولد مجلسجه هوز قبول ايدلمه ين قانوندن اشخاص
 و حكومه ترتيب ايدم جك ضرر لك صوكره نه شكنده
 تضمينى لازمكلىر ؛ بناء عليه ؛ ناممحلدر . انجمنك مضطه سى
 دوغريد . قرارنامه شكنده ده بونك تطبيقى دوغرى
 دكلدر . تكليفك اصولاً ردىنى تكليف ايدبيورم .

حسين عونى بك (ارضروم) - افندم ! راغب بكك
 تكليفى اوزينه لايحه انجمنك مطالعه سى بزه بر احتياج
 تلقين ايتدى ، او ده ؛ يك چوق تعديلات واصلاحات احتياجى .
 اصلاحاتى تايمين ايدم جك اولان بومسئله اوزرنده مجلس
 عاليكز سنه لوجه طور مسى بزه افهام ايدبور كه بز آنجق قرق
 اللى سنه ظرفنده بر تشكياتمى اكمال ايدم جكز . ديمك كه :
 بر ضرورت قارشوسنده بولنيورز . همزك هر كون قلمبنده
 چاربان نواحى قانونك بر سنده بىرى آنجق ۴۰ نجى
 ماده سنده يز . هر وقت بر طاقم مسائل فوق العاده دائماً
 بوكا توافق ايدبيور وبوكيرى قاليور . بر سنه ده كچمه ظن
 ايدبيورم كه : ۴۸ نجى ماده سنده كله بيله جكز . حالبو كه
 بو اوچيوز ماده لك بر قانوندر . بونك چيقمى
 ايجه زمانه متوقف . حالبو كه كرك وضعت ماليه من
 كرك اسايش دولاييسيله بوقانونى ضرورى اوله رق
 بك چابوق چيقارمنه مجبورز . يالكز بوقانون دكل .
 تشكيلات بودجه مزله متناسب دكلدر افنديلر !

مقدرات عالیه سنده و کیلاری واسطه سیله ایشه وضع ید
ایتمشدر . فقط؛ ولایات اداره محلیه سنده و کویلو کوینک
ایشنده هیچ بر ایشه وضع ید ایتمش دکل . الده ناقص
برشکله اداره عمومی و ولایات قانوننک اداره محلیه و ولایات
قسمی واردر . کویله کنجه : قانوندن نصیبی یوقدر .
بناءً علیه ؛ مجلس عالی به مرتب و هممزک اوزرینه یوکلنه
اک بویوک یوک کویلو به عاقد حقلری بر آن اول تثیت
و وظیفه لری کندیلرینه تمحیل ایتمکدر . الده بر اداره
نواحی قانونی لایحه سی واردر . بولایحه نک تاریخچه سی
اوزوندر . ۳۳۳ سنه سندن باشلامشدر ، بوکونه قدر ،
بش سنه دنبری استانبول مجلسنده ، فسخ ایدیلان مجلسده
وصوکره قادیلان مجلسده ، هر ایکی مجلسده ده داخلیه
انجمنندن چیقمشدر . بنده کز اوزمان داخلیه انجمنی
مضبطه محرری ایدم . مضبطه سی . یامش بر اقمش ایدم .
۳۳۳ ده . موازنه مالیه انجمنندن ده چیقمشدر ، هیئت
عمومیه ده قالمشدر . یعنی اوراده متخصص عد ایدیلان
انجمنلر مطالعه سی درمیان ایتمشدر . بوراده ایسه بر
بچق ، ایکی سنه دنبری داخلیه انجمننده . . متخصص
عد ایدیلان انجمن مطالعاتی ، قناعتی درمیان ایتمشدر .
مجلس عالیده قرق ایکنجی ماده به قدر مذاکره
ایدرك نقطه نظری کوسترمش و بر استقامت ویرمشدر .
سو حالده موسی کاظم افندی حضر ترلینک بویوردقلری
کبی الده بر قرارنامه دکل ، آمال ملیه نک محصله سی ، قوتلی
بر محصله سی وضعیتده بر اثر موجوددر . بونک واردات
قسمی مذاکره ایدلکدن صوکره - که اصل مذاکره
ایدیله جک اودر - تثیت ایدلکدن صوکره ، قانوننک شکل
تطبیق قایلر . عجبا هر طرفه عین زمانده تطبیق ایتمکی
لازم ؛ - که بو بر احتیاجدر و کویلونک بر حقیدر .
ایکنجیسی : عجبا مختلف لوارک هر طرفنده می
تطبیق ایتملی ؟ یعنی بر ، ایکی لواده فقط ، بر ، ایکی
منطقه سنده می ؟
اوچنجیسی : مملکتک هر طرفنده کی لوارک بر
ناحیه لرنده می ؟ یعنی هر لواده مختلف قضاده می یا مالی ؟
یوقسه هیچ بر طرفه تطبیق ایتمه یوبده قانون لایحه سی

بو تشکیلاتی احتیاجزله مناسب برحاله قلب ایتمک ایچون
یکی بر اصول تکلیف اولنیور . بوکون المزدده کی قانونلر
معلوم عالیردرکه ، استانبولک قرار نامه لری ، اراده لری
وساثر ماهیته در . عجبا داخلیه انجمننک بو قدر سنه دنبری
اوزرنده ایشاهتمش بر قانونی شمدی به قدر تطبیق اولنان
اراده سنیه لرذن ده اوقوتلیدر ، دکلیدر ؛ بورای دوشونمک
لازمکلیر . بو ، واقعا اصولنک خارجنده بر مسئله در . یکی
احداث ایدلمسی ایجاب ایدن بر اصولدر . لایحه انجمنی
دیورکه : بونی بر قانون اوله رق دکل ، مجلس بر قرارله
تطبیق ایتمیرسون . بو ؛ بزه بر احتیاج تلقین ایدیور .
بز بویله تشکیلاتی اوزاتیرسوق ای اولیه جنی قناعتنده می .
نه احوال مالیه مز بوکا مساعده ایده جکدر . نه هیچ بر
شی . . دیمک که بر ادراک قارشوسنده مجلس یکی بر
مذاکره قاپوسی آچاقدر . عجبا بویله مستعجل خصوصاً ده
انجمنلرک بو قدر صلاحیتی یوقیدر ؛ . . مثلاً داخلیه
انجمنندن کچمش ، مذاکره سی یتمش بر قانونی هیئت
عمومیه دن کچمه دن تطبیق ایده بیله جکمی یز ، ایده میه -
جکمی یز ؟ مسئله نک روحی بوراده در . مجلس عالی بو
نقطه به قرار ویرسه مسئله حل ایدلمش اولور . اوندن
صکره ده بویوردقلری کی واردات اصولی بالآخره تأمین
ایدیله جک بر مسئله در . بو ایدیه مدیکی تقدیرده طقسان
مئونه قارشی پاره بولمه نک چاره سی بولمیدر . (۹۰ میلیون)
بودجه وار . اوکا کوره دوشونک . .

وهی بک (قره سی) - [داخلیه وکالتی وکیلی] -
اقدم مجلس عالی کندیسینه عنوان ویردیکی زمان (تورکیا بویوک
ملت مجلسی حکومتی) عنوانی ویردی و صفت میزه سی اوله رق ده
(خاق حکومتی) دیدی . اساساً تمیزی ده دائماً مخلقمزک اکثریتی
تشکیل و بومملکتک اک غیر بویوکلرینه تحمل ایدن کویلونک
رفاهی تأمین ایده جک شکله تثیت ایتمکی عمده اتخاذ
ایندی . حالبوکه شمدی به قدر دوشونه جک اولورسوق
خلق حکومتی و کویلو رفاهی نامنه هنوز مجلس عالیدن
بر قانون کچمش دکلدر . خلق حکومتی دیجه و تشکیلات
اساسیه قانونی کوز اوکنه کتیریلنجه اونک نتیجه سی
اوله رق الده بر مجلس عالیکز واردرکه : خلق ، مملکتک

(آیر صداری) بنده کزجه داخلیه وکیلی وهی بک
 افندینک ناحیه قانوننک لزوم ووجوبنه دائر سویله دکلری
 سوزلری تماماً قبول ایتمکه برابر مجلس هالینک بو خصوصه
 یاباجنی برایش واردر . اوده وهی بک افندینک افاده
 ایتدکلری وجهله بر آن اول مذاکره ایدوب چیقارمقدر
 و ذاتاً بر قسمی چیقمشدر وروزنامه ددر . بر آن اول
 مذاکره ایدوب چیقارمق لازمدر . اکر قرار نامه
 شکلنده و یاخود داخلیه انجمننک قبول ایتدیکی طرزده
 شمیدین تطبیقنه مساعده ایدر سه کز حقوق تشریحیه نک
 و حاکمیت ملیه نک الهمهم رکننی اخلال ایتش اولور سکر .
 بوندن چوق حذر ایدیکر .

راعب بک (کوتاهیه) — صلاحیتی مجلس ویریور .
 حسن فهمی بک (کوشخانه) — افندم قانون وضع
 ایتک حقی مجلسکدر . مجلسدن مقرر قومیسونک دکلدر .
 رئیس — افندم کوتاهیه مبعونی جمیل بک ، فیاض
 عالی بک مذاکره نک کفایتنه دائر تقریرلری واردر .
 عین زمانده توفیق افندی (کنغری) ، خلیل ابراهیم افندی
 (انطالیه) ، امین بک ، هابدین بک ، طونه لی حلی بک ،
 بصری بک ، راعب بک ، سروری افندینک سوزلری
 واردر . شو حلاله مذاکره نک کفایتنی رایه قویورم .
 مذاکره یی کافی کورنر لطفاً آل قالدیرسون ! مذاکره نک
 کفایتی قبول ایدلای افندم . بو باده ویرلمش تقریرلر
 وار افندم اعرض ایده جکم . فیاض عالی بک تقریری :
 ریاسته

۱ — مذاکره کافیدر .

۲ — هنوز مجلسجه تصدیق و قانونیت اکتساب
 ایتمین لایحه قانونیه نک شمیدیلک تطبیق جائز دکلدر .
 تکلیفک ردینی تکلیف الیرم . یوزغاد
 فیاض عالی

ریاست جلیلهیه

مذاکره کافیدر .

نواحی قانوننک الهمهم قسمی هنوز مذاکره ایدلمه مشدر .
 مثلاً واردات قسمی گویلونک یوکنی خفیقلته جک یرده
 آغیر لاته جقدر . و بو قانوندن بکله نیلن امیدلری

بر آن اول بوراده کسب قطعیت ایتدیرمکی لازم ؟
 کچن سنه دن بو سنه یه قدر لایحه نک کچیردیکی سرگذشته
 باقیه رق - قناعت کتیرسه ک که چابوق چیقاجقدر . اک
 انی یول ، اک کسدرمه طریق ، بر آن اول قانون لایحه سنک
 هیئت جلیله کزجه مذاکره ایدیلوب تثبیت ایدلکدن صکره
 تطبیق ایدلمسی ، اولی بالطریق ؛ انی اولور . فقط ؛ بزه ماسبق
 کوستردی که ، بو آره لقدمه بینه بوغولوب قاله جقدر .
 حالبوکه : بو بر احتیاجدر و بر ضرورتدر ، مملکتک
 گویلونک برحق طبعیسیدر . و بناء علیه ؛ بونک بر آن
 اول تطبیقنه و واردات قسمی مذاکره ایتدکدن صوکره
 عرض ایتدیکم شکلردن برینی تثبیت ایتک صورتیله
 تطبیقانه هیئت جلیله کزک مساعده سی مملکتک نفعنه خادمدر .
 و بنده کزجه ضرور ایدر . ته کیم - موسی کاظم افندی حضر -
 تلزینه سویله جکم - غایت اساسلی بر قانوندر بو یوردیلر . حقیقه
 اساسلیدر . چونکه مملکتک جزء فرد اداریسنی میدانه
 کتیره جک بر قانوندر . اونک ایچون مهم بر قانوندر .
 فقط ؛ مکلفیت عسکریه قانونی که قان ویر کوسی قانونیدر .
 اون سنه دنبری قرار نامه طرزنده تطبیق ایدلمکده در .
 و مجلسده ایکی سنه در مستمراً بوراده در . و اوچنجی
 سنه سنه کیریور . بناء علیه ؛ قانونلرک خلقک حقوقه ٹاڈ
 اولان قسمنه بر آزدها مساعد داورانیرسوق چوق ایی
 اولور ظننده یم .

حسن فهمی بک (کوشخانه) — نواحی قانوننک
 لزوم ووجوبی حتمده رفقانک سویله دیکی سوزلر تماماً
 اشتراک ایدرم . بو قانوننک بر آن اول مجلس هالیدن ، تصدیق
 ایدیلوب موقع مرعیه ، وضعی حقیقه مملکتک منافعه
 موافقدر . فقط معلوم عالیلریکز افندم ، بزم اولجه بر
 اصولز واردی . مجلس بولمندیفی زمانده حکومت موقت
 قانون نشر ایدردی . اوکاقرار نامه دیوردق . مجلس عالی
 او اصولی لغو ایتمکده قالدی ، حاکمیت بلا قید و شرط
 ملتکدر . ماده قانونیه سیله ؛ مجلسدن مصدق اولمیان
 مهرانکی بر قانوننک مذاکره سنی اکیال ایتهدن ، لایحه نک
 تطبیقنه مساعده ایتک عظیم بر تضاد تشکیل ایتزمی ؟ ..
 واستقبال ایچون ، آتی ایچون بر تعامل حالی آلامزمی ؟

سوندره جکدره

حالبوکه هیئت عمومی ده بو واردات فصلی و دیگر فصلار شهبه سر قابل تطبیق بر حاله و خلتک منافع حقیقه سنه مطابق بر حاله کله چکندن بویه یازیم یا ملاق تطبیقاته قالیقشهر قی بر جوق امیدلر بنله دیکمز بوقانونی اولدیرمکنن ایسه بر آن اول هیئت عمومی دن کچیرلمسی تکلیف ایلم .

ارطغرل

نجیب

رئیس — توفیق افندینک تقریرده عین مآله در .
ردنی تکلیف ایدیور .

ریاست جلیلهیه

مذاکره کافیدر. قانونک درتده بری هنوز مجلسدن چیقمشدر . بویه ناتمام بر قانونک تطبیق مضر تدن باشقه هیچ بر فائده سی اوله میه چغندن و آئیده قانونک بعدالاکمال تطبیقندن ملحوظ اولان فوائدی بیله تهلکیه معروض بر اقه جنی جهتله تکلیفک ردنی تکلیف ایدرم .

قره حصار صاحب

اسماعیل شکری

رئیس — اسپارطه مبعوثی حافظ حاجی طاهر افندینک ده تقریری وار ، ردنی تکلیف ایدیور لر .
قره سی مبعوثی ابراهیم بک ده قانونک تأخیرینی طلب ایدیور .

ریاست جلیلهیه

مذاکره کافیدر .

نواحی قانونی مذاکره سی ختام بولمده تطبیق ممکن اوله میه جنی جهتله بر آن اول مذاکره سی و ختامنده تطبیق ایلمک اوزره تعلیقی تکلیف ایلم . قره سی ابراهیم

ریاست جلیلهیه

نواحی قانونی مسوده سی هنوز نه بر قرار نامه ونه ده بر قانون ماهیتنده در . بناء علیه؛ بر ویا موجود لوارده تطبیق ایدیله چک ماهیت قانونیه یی حائر بر قانون موجود بولمدیغندن هیچ بروجهله قانونه توفیق اولنه میان اشبو تکلیفک ردنی تکلیف ایدرم . قونیه مبعوثی موسی کاظم

رئیس — دیگر تقریرلرده همان همان هبسی ردنی تکلیف ابتدکاری حلاله یا لکنز کوتاهیه مبعوثی راعب بک (نواحی قانوننک بر طرفدن مجلسده مذاکره اولمقله برابر دیگر طرفدن احوال جغرافیا و شرائط اجتماعیه سی یکدیگرندن فرقلی اوج لواده حکومته شمه دیدن تطبیق اولومسنه قرار اعطاسنی تکلیف ایلم (دیور . اول امرده قانونک ردی حقتده کی تقریرلری رأیکزه عرض ایدیورم . تکلیفک ردنی قبول ایدنلر، یعنی نواحی قانونی اکتساب قانونیت ایتمدن اول تطبیق ایلمسی حقتده کی تکلیفک ردنی قبول ایدنلر لطفآل قالدیرسون! اکثریتله تطبیق رد ایلدی افندم .

اوپراتور امین بک (بروسه) — بوکا دائر بر تقریرم وار افندم . شمده تقدیم ایتمشدم .

نواحی قانوننک بوم مذاکره سنک تعیننده در مذاکرات: رئیس — بو باده دیگر تقریرلر وار افندم . او قونه چقدر . ریاست جلیلهیه

نواحی قانوننک مذاکره سی تأخیر ایتمکده در . مملکتده حاکمیت ملییه یی موقع فعله قویه جق آنجق نواحی قانوننک تطبیقیدر . بناء علیه؛ قانون مذکورک سرعتله چیقارلمسی تأمین ایچون هفته ده ایکی دفعه منحصرأ نواحی قانوننک مذاکره سیله چیقارلمسی تکلیف ایلم .

قره حصار صاحب

محمدشکری

ریاست جلیلهیه

نواحی قانوننک سنه سابقه ده اولدینی کی بازار ایرتسی وصالی کونلری مذاکره سنه دوام ایلمه سنک تحت قراره آلمسنی تکلیف ایدرم .

بروسه

اوپراتور امین

سلیمان سری بک (یوزغاد) — رئیس بک! اصول مذاکره حقتده سویله چکم .

توفیق افندی (کنگری) — رئیس بک اقدی حضرتلری، مجلسک سبب وجودی بودجه در . بر کره اون اون بش کون ایچروسنده بودجه یی چیقارلمده اوندن

صکره باشقه ایشلره باقم .

سایمان سری بك (یوزغاد) — افندم ! مجلس عالی بو قانونک مستمراً مذاکره سی ایچون اولجه بازار ایرتسی وصالی کونلرخی تعیین ایتشدی . صوکره بو اوچنجه قرار اوله جقدره بنا علیه ؛ بو مقام ریاستک ائنده در . بوتک ایچون آرزو بو یوردقلری تقدیرده باشقه ایشه باقدیرمازلر . بو ایکی کونده صرف بو ایسی مذاکره ایتدیررلر .

شکری بك (قره سی) — افندم ! اجتماعات عمومیه جمعه ایرتسی ، بازار ایرتسی ، پنجشنبه کونلری اولیور . بو کونلرده طیبی روزنامه یه داخل اولان مسائل ، بودجه مسائلی ، اوراق وارده وسائر مذاکره ایدمک لازمکلیر . مجلس عالیکنز کچن سنه بر قرار ویرمشدی که ، « هفته ده ایکی کون منحصراً نواحی قانونیه اشتغال ایدلسون » فقط ؛ نواحی قانونیه اشتغال ایدمک لازمکلیر کن اورتیه یینه اوراق وارده قونیور . اوراق وارده نک مذاکره سیله مجلسک زمانی کپیور . او کونلرده مجلسک یوم اجتماعنه مخصوص اوراق قونمسون . جلسه آچیلیر آچیلماز بسم الله دیوب نواحی قانونیه کچملی زوتا کیچ وقته قدر مذاکره ایدوب بو قانونی چیقارملی ز . بو ؛ بودجه نک تدقیقه مانع اولماز ، دیگر مسائلکده تدقیقه مانع اولماز . ذاتاً هفته ده اوچ کون اجتماع عمومی اولیور . او کونلرده مسائل روزمره یایلیر ، چیقار . ایکی کونده بو قانونه انحصار ایتک صورتیه بو قانونی چیقاره بیلیرز . یوقسه حاکمیت ملیه کتابده و دیلده قالیور . کویلونک حقوقی پایمال ایدیلیور . (دوغری سسلری)
طونه لی حلیی بك (بولی) — افندیلر ! شکری بك برادرمنک صوکره سوزی نه قدر آچی ایسه شو آنده تثبیت ایده جکمز بر اساس ده او قدر مهمدر . تخطر بو یوریکز که کچن سنه تثبیت ایدمکدک وحالده نتیجه نئدیره مندک . تشکیلات

اساسیه قانوننده کی تجربه لر منزی تخطر ایدم . تشکیلات اساسیه قانوننه هفته ده ایکی کون حصر ایتدک . ایکی هفته کچمدی ، او ایکی کون قراری یینه بوزولدی . تکرار قرار ویردک . یینه بوزولدی . بو آچی تجربه ، ضررلی تجربه مع التأسف نواحی قانوننده ده سبق ایتدی . اونک ایچون ، آرقداشلر بنده کرک دوشونجهم ممکنسه آریه برشی صوققسزین بو زواللی بودجه قانونی الدن چیقارم ، اوندن صوکره میدانی بو الک مهم اولان ، الک زواللی اولان نواحی قانونیه ویرم . اگر انتظام تحتنده حرکت ایدرسه کهر ایکی سنکده مذاکره سنک جریانی تمامیه سهل بر طرزده دوام ایدر و کوزلده نتیجه لر چیقار .

نجیب بك (ارطغرل) — افندم ! بو کون ذاتاً روزنامه نک طرز ترتینه دائر مذاکرته بولونه جغز . ظن ایدرم ، اوراق وارده بیتمه دی . اونلر بیتسون اوندن صکره روزنامه یی نه شکلده وهانکی صورتده ترتیب ایده جکمز ترتیب ایدرز . اگر روزنامه نک طرز ترتینه دائر مذاکرات باشلادی ایسه بنده کز بو خصوصده کی سوزلرمی سوبلیه ییم .
رئیس — خایر .

نجیب بك — او حالده بو مسئله بیتسون افندم !
رئیس — افندم ! حقیقه پنچشنبه کونکی اجتماعمزه آتی روزنامه سنک اجتماعه ختام ویرمزدن اول تنظیم و تثبیت هیئت علیه چه تقرر ایتش بو کونکی اجتماعمزه بو بایده مذاکره اجراسی خصوصی قبول ایدلشدی . تسبیب ایدرسه کز بو مذاکره یی روزنامه نک تنظیمی زمانه تعلیق ایدم . (موافق سسلری)

افندم ! بعض رقفاً خفیا مذاکره لزومی کورمشدر . اونک ایچون سامعین لطفاً موقعلرینی ترک ایتسونلر .

ختام جلسه
دقیقه ساعت

